

SCRIPT OF MORNING GOJRI NEWS BULLETIN 22NOV 2025 1015HRS

مارنگ گوجری نیوز بولٹن 22 نومبر 2025

یوہ آکاشوانی جموں ہے عبدالرحمان تیں خبر سٹو۔

MGNREGA LG

بھارت سرکار غی طرفوں مہاتما گاندھی نریگا سکیم غے تحت جموں کشمیر واسطے یومیہ روز گار غی تعداد بدھا غے 150 دن کرن غی منظوری دے دتی ہے لیفٹیننٹ گورنر منوج سنہا نے اس فیصلہ ور وزیر اعظم نریندر مودی تے دیہی ترقی غا مرکزی وزیر شیو راج سنگھ چوہان غو شکریو ادا کیو ہے تے اس فیصلہ نانہ گرائیں علاقہ مانہہ معاشی سلامتی واسطے نہایت اہم قرار دتو خاص طور ور ان علاقہ مانہہ معاشی سلامتی واسطے نہایت اہم قرار دتو خاص طور ور ان علاقہ واسطے جہڑہ حال ہی مانہہ قدرتی آفات سنگ متاثر ہوا۔ انہاں نے دسیو کہ 1962 پچائیتاں نانہہ سیلاب تی متاثر قرار دتو گیو۔ جس غا نتیجہ مانہہ شدید معاشی مشکلات پیدا ہوئیں ذراعت بارے وزارت غی سفارش ور 2025-26 واسطے اضافی 50 غو روز گار کمزور کہراں غی مدد کرے غو تے پائیداد کمیونٹی اثاثاں غی تعمیر مانہہ مددگار ثابت وے غو۔

BSF JAMMU

سرحدی حفاظتی دستاں غا جموں فرنٹیئر نے بھج گجرات مانہہ منعقدہ بی ایس ایف ڈائمنڈ جوبلی تقریبات مانہہ تمام سرحداں یعنی فرنٹیئر مانہہ بہتری کارکردگی غو اعزاز حاصل کیو ہے مرکزی وزیر داخلہ امت شاہ نے سرحدی انتظامات مانہہ بہترین کارکردگی ور مہارانا پرتاپ ٹرافی تے تربیت وکھیڈاں مانہہ بہترین کارکردگی مانہہ اشونی کمار ٹرافی انسپکٹر جنرل جموں فرنٹیئر ششمانک آنند نانہہ پیش کیں۔ یے اعزازات جموں فرنٹیئر غا سیما پراہار یز یعنی سرحدی گشت غی لگن تے پیشہ وارانہ مہارت غا اعتراف مانہہ دتا گیا ہیں جہرا ملک غی پہلی دفاعی لائین ور خدمات انجام دے رہیا ہیں تے حفاظت و تیاری غا اعلیٰ معیار غو مظاہرہ کر رہیا ہیں۔

ARMY COMMANDER POONCH

شمالی فوج غا کمانڈر لیفٹیننٹ جنرل پرتیک شرما نے جمع غے روز پونچھ غا شاہ ستاد علاقہ غو دورو کیو تاجے اپریشنل تیاریاں غو جائزولیو جاسکے تے اندرونی علاقہ غی حفاظتی صورتحال نانہہ دیکھیو جاسکے اس دورہ غے دوران انہاں نانہہ جاری انسداد دہشت گردی اپریشن تے خطہ مانہہ حفاظت نانہہ مضبوط کرن غا اقدامات بارے واقف کرایو گیو فوجی کمانڈر نے مشکل حالات مانہہ خدمات انجام دین آلا جواناں غی چابیت قدمی تیاری غا اعلیٰ معیار تے پیشہ وارانہ مہارت نانہہ سہراہو انہاں نے امن واستحکام برقرار رکھن تے دہشت گردی غے خلاف مسلسل سخت کوششاں ور ان غا عزم غی تعریف کی۔

MOS IISF

بھارت غی سائنس تے تحکیک غی ترقی نانہہ دنیا غے باندھے لاتا واں مرکزی وزیر ڈاکٹر جتندر سنگھ نے بھارتی بین العوامی سائنس تقریب آئی آئی ایس ایف سال 2025 واسطے ایک تعارفی پروگرام غو انعقاد کیو۔ یوہ پروگرام سینٹرل یونیورسٹی جموں مانہہ ہو۔ وزیر نے وزیر اعظم نریندر مودی غی قیادت مانہہ سائنس تے نوی ایجادات مانہہ ہون آلی ترقی غی تعریف کی۔ اصل سائنس تقریب پنچکولا مانہہ چار دن توڑی رے غو جس مانہہ تحکیک کار، اساتذہ، نوی شروعات کرن آلا تے طلباء شامل وین گانوجواناں نانہہ ایجادات غا مقابلہ مانہہ حصولین غی دعوت دتی گئی ہے جت وہ ایسا نوا منصوبہ بناغے انعام جیت سکیں گا، جہڑ وکم از کم ایک ہزار لوکاں غی زندگی نانہہ بہتر بناسکیں۔

IFFI JK

جموں کشمیر غا خوبصورت مقامات تے فلمی امکانات نانہ دسن واسطے جموں کشمیر غا معلومات تے عوامی رابطہ بارے محکمہ گوا مانہ ہون آلا 56واں بھارت غا عالمی فلم میلہ سال 2025 مانہ حصو لے رہیا ہیں۔ اُت ویوز فلم بازار مانہ ایک خاص جموں کشمیر پولین، فلم بنان آلاں واسطے آسان پالسی تے بدھتا وا ڈھانچہ دسیا جارہیا ہیں۔ اس غو مقصد ہے کہ جموں کشمیر نانہ ایک بہترین فلم شوٹنگ مقام گا طور ور فروغ ملے تے فلمی کاروبار بدھے۔ اس تیں جموں کشمیر غا فلمی ادارہ مانہ نوا مواقع پیدا ویں گا۔

WALL OF SHAME

جموں کشمیر گا لوکاں نے میونسپل کارپوریشن غا نوا پروگرام قال آف شیم غو خبر مقدم کیو ہے اس منصوبہ غے تحت جہڑا لوک سڑکا ور گندگی پھیلاویں تے کھلا مانہ رفع حاجت کرتا واں پایا جیں غا۔ اُن غی تصویر تے ویڈیو دیواراں ور لگا غے عوام نانہ دسی جیں غی۔ جموں میونسپل کارپوریشن غا کمشنر ڈاکٹر دیوانش یادو نے مختلف علاقں غو دورو کیو تے لوکاں تیں صفائی مانہ تعاون کرن غی اپیل کی۔

CRICKET TOURISM DEPT

محکمہ سیاحت جموں غی طرفوں مولا نا آزاد سٹیڈیم مانہ منشیات نانہ کہیو نہیں تے کھیڈاں نانہ کہیو ہاں گا عنوان تیں منعقد 10روزہ نوجواناں غا کرکٹ ٹورنامنٹ غو افتتاح کیو اس تقریب غو مقصد نوجواناں مانہ صحت مند تے منشیات تیں پاک طرز زندگی نانہ فروغ دینو ہے جد کہ کھیڈاں غے ذریعے نوجواناں نانہ باختیار بنانو وی اس غو بنیادی ہدف ہے اس موقع ور عہدے داراں نے اس گل ور زور دتو ہے ایسی سرگرمیاں نوجواناں مانہ نظم و ضبط ٹیم ورک تے مثبت شمولیت نانہ فروغ دین مانہ اہم کردار ادا کریں توقعو ہے جے یوہ ٹورنامنٹ خطہ پھر تیں نوجوان پُر نانہ ایک پلیٹ فارم ور آنے گو نوجواناں نانہ کھیڈاں مانہ سرگرمی سنگ حصو لین غی ترغیب دے غو تے نال ہی ایک متحرک تے ذمے دار معاشرہ غی تشکیل مانہ مددگار ثابت وے غو۔
